



Adresa: **Ul. Hamdije Ćemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-197-3/25**

Datum: **21.05.2025. god.**

«Agencija za vodno područje rijeke Save» Sarajevo rješavajući po zahtjevu pravnog lica «ECP» d.o.o. Sarajevo za donošenje rješenja o vodnoj dozvoli za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta i promet opasnih materija koje nakon upotrebe dospijevaju u vode sa lokacije poslovnog objekta za skladištenje hemikalija, izgrađenog u ulici Pijačna 14 G, Ilidža, Sarajevo, na osnovu člana 109. stav (2) tačka 1. i člana 109. stav (1) tačka 13. Zakona o vodama («Službene novine Federacije BiH», broj 70/06) i člana 200. Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Investitoru, «ECP» d.o.o. Sarajevo daje se vodna dozvola za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta i promet opasnih materija koje nakon upotrebe dospijevaju u vode sa lokacije poslovnog objekta za skladištenje hemikalija, izgrađenog u ulici Pijačna 14 G, na zemljištu označenom kao k.č. broj 56/2 K.O. Butmir Donji, općina Ilidža, Sarajevo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu pregleda dostavljene projektne i druge dokumentacije, utvrđenog činjeničnog stanja i uz slijedeće uslove:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom, te u skladu sa dostavljenom projektnom dokumentacijom i uslovima iz ove vodne dozvole.
 - 3.2. Skladištenje hemikalija vršiti u skladu sa okolišnim propisima.
 - 3.3. Osigurati priručna sredstva za brzu intervenciju u slučaju nekontrolisanog istjecanja hemikalija, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude/tankvane, uređaji za pretakanje i sl.).
 - 3.4. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, obavezan je izvjestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda tačka 13. i 22. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. U periodu važenja ove vodne dozvole, pravno lice, odnosno korisnik objekta je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «ECP» d.o.o. Sarajevo, obratilo se ovoj Agenciji sa zahtjevom za donošenje rješenja o vodnoj dozvoli za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta i promet opasnih materija koje nakon upotrebe dospjevaju u vode sa lokacije poslovnog objekta za skladištenje hemikalija, izgrađenog u ulici Pijačna 14 G, na zemljištu označenom kao k.č. broj 56/2 K.O. Butmir Donji, općina Ilidža, Sarajevo.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar Općinskog suda u Sarajevu broj: 065-0-Reg-14-002342 od 03.09.2014. godine;
- Ovjerena kopija Aktuelnog izvoda iz sudskog registra broj 065-0-RegZ-25-002960 od 10.04.2025. godine, izdat od strane Općinskog suda u Sarajevu;
- Ovjerena kopija Uvjerenja o poreznoj registraciji izdato od strane Porezne uprave FBiH – Kantonalni porezni ured Sarajevo dana 30.09.2014. godine;
- Ovjerena kopija Obavještenja o razvrstavanju pravnog lica prema klasifikaciji djelatnosti doneseno od strane Službe za statistiku za područje kantona Sarajevo, broj: 07-32.5-2887/14 dana 23.09.2014. godine;
- Kopija ugovora o zakupu zaključenog dana 22.07.2019. godine u Sarajevu između „FAVORIT BH“ d.o.o. Bihać i „ECP“ d.o.o. Sarajevo, gdje je predmet ugovora zakup kancelarijskog i skladišnog prostora u vlasništvu „FAVORIT BH“ d.o.o. Bihać;
- Zemljišnoknjižni izvadak, ZK uložak broj: 46962/25 K.O.: SP_Donji Butmir, izdat od strane Zemljišnoknjižni ured, Općinski sud u Sarajevu, dana 25.04.2025. godine;
- Kopija katastarskog plana sa ucrtanim objektima, broj plana: I.d. Sarajevo 221, općinska geodetska služba Ilidža od 20.04.2007. godine;
- Kopija rješenja o odobrenju za građenje poslovnog objekta, donesenog od strane Službe za prostorno uređenje i komunalne poslove Općine Ilidža, Sarajevo, broj: 03-23-398/08 E dana 26.09.2008. godine;
- Kopija Rješenja upotrebne dozvole, doneseno od strane Službe za prostorno uređenje i komunalne poslove broj: 03-23-2897/08 J dana 29.01.2009. godine;
- Glavni projekat vanjske kanalizacione mreže, urađen od strane HP HIDRO PROJEKT d.o.o. Sarajevo, august 2008. godine;

- Tehničke karakteristike ugrađenog separatora – ENERGOMONT d.o.o. Bosanska Krupa;
- Dokaz o uplaćenju upravnoj i administrativnoj taksi.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), ovaj organ je pokrenuo upravni postupak, te je dana 15.05.2025. godine izvršen pregled predmetne lokacije, o čemu je sačinjen Zapisnik o uviđaju broj: UP-1/21-3-40-197-2/25.

Poslovni objekat za skladištenje hemikalija «ECP» d.o.o. Sarajevo smješten je u ulici Pijačna 14G, općina Ilidža, Sarajevo. Na predmetnoj lokaciji se vrši skladištenje osnovnih industrijskih hemikalija (soli i oksidi, kiseline i baze, rastvarači i druga organska otapala), mješavine otapala i razrjeđivača za različite namjene (štampanje, čišćenje, automobilsku industriju), hemikalije visoke čistoće za posebne namjene, laboratorijske hemikalije, laboratorijski potrošni materijal i oprema, hemijske sirovine u malim ambalažnim pakovanjima.

Oborinske vode sa parking prostora se prikupljaju putem slivnika sa slivnom rešetkom i odvođe do ugrađenog tipskog separatora ulja i naftnih derivata. Prečišćene vode se nakon okna za monitoring odvođe kanalizacionim cijevima, čiji je ispušt izveden u rijeku Miljacku. Iz objekta za skladištenje hemikalija nema produkcije tehnoloških otpadnih voda. Čišćenje prostora se obavlja suhim putem.

Na osnovu pregleda projektne dokumentacije, utvrđenog činjeničnog stanja na osnovu uviđaja izvršenog na predmetnom lokalitetu, a u svrhu smanjenja negativnih uticaja predmetnih objekata i aktivnosti na stanje voda i prava na vode dodjeljena drugim korisnicima, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekata, u skladu sa Zakonom o vodama i Pravilnikom o sadržaju, obliku, uvjetima, načinu izdavanja i čuvanja vodnih akata.

Na osnovu provedenog postupka konstatuje se da je podnosilac zahtjeva, „ECP“ d.o.o. Sarajevo, ispunio minimum uslova za izdavanje vodne dozvole, te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Aida Bezdrob, dipl.ing.građ.

Po ovlaštenju
Rukovodilac Sektora za izdavanje vodnih akata



Nihad Pezo, dipl.inž.građ.

PRILOG: Glavni projekat vanjske kanalizacione mreže

Dostaviti:

- «ECP» d.o.o. Sarajevo, Ul. Pijačna 14G, 71210 Ilidža (sa prilogom)
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava